

龙溪精舍丛书

龙溪精舍丛书

焦氏易林卷第六

噬嗑之第二十一

噬嗑麒麟鳳凰善政德祥陰陽和調國無災殃

乾 北風相牽提笑語言伯歌叔舞讌樂以喜

坤 甲戌已庚隨時運行不失常節達性任情各樂其類

屯 破亡之虛神祇哀憂進往無光留止有慶

蒙 注斯膏澤扞衛百毒防以江南虺不能螫

需 日月相望光輝盛昌三聖茂功仁德大隆

訟 大蛇巨魚戰於國郊上下隔塞衛侯廬曹

師 龍入天關經歷九山登高上下道里險難日晏不食絕無

甘酸

比 沙漠北塞絕無水泉君子征凶役夫苦艱

易林 卷六
小畜關折門啟衿帶解墮福與善坐憂不爲禍

履 狼虎所嗥患害必遭不利有爲宜以遁逃

泰 金精耀怒帶劒過午兩虎相距弓弩滿野雖憂無苦

否 朽根枯樹葉落花去卒逢火焱相隨偃仆

同人入和出明動作有光轉運休息常樂永康

大有國多忌諱大人恆畏結口無患可以長存

謙 天地渟厚六合光明陰陽順序以成厥功

豫 羸程逐狐爲人觀笑牝雞雄晨主作亂妖

隨 陰升陽伏桀失其室相餒不食

蠱 蜎飛蠢動各有配偶小大相保咸得其所

臨之豫

臨 鬼守我廬欲呼伯去曾孫壽考司命不許與生相保

觀 禍走患伏喜爲我福凶惡消亡災害不作

賁 智不別揚張狂妄行蹈淵仆顛傷殺伯身
剝 凶憂災殃日益章明禍不可休三卻夷傷
復 長尾踈蛇畫地爲河深不可涉阻絕以無惆然憤息
無妄愛我嬰女牽引不與冀幸高貴反得賤下
大畜鳧游江海甘樂其餌既不近人雖驚不駭
頤 明滅光息不能復食精魄既喪以夜爲室
大過奇適無偶習靖獨處所願不從心思勞苦
坎 葛藟蒙棘華不得實讒佞亂政使忠雍塞
離 鵲笑鳩舞來遺我酒大喜在後授吾龜紐龍喜張口起拜

福祉

咸 搖尾逐災雲沉孽除沍泥生梁下爲田主
恆 白鶴噉珠夜食爲明膏潤優渥國歲年豐

遯 內執柔德止訟以默宗邑賴德禍災不作
大壯犬吠驚駭公拔戈起玄冥厭火消散瓦解

晉 公悅姬喜孫子俱在榮譽日登福祿來處

明夷鳥鳴捕鰲長欲飛去循枝上下適與風遇顛隕樹根命不
可救

家人析薪爇酒使媒求婦和合齊宋姜子悅喜

睽 隣不可顧而求玉女身多疾癩誰當媚者

蹇 遠視無明不知青黃黹纈塞耳使君闇聾

解 尅身已整逢禹巡狩賜我玄珪蒙受福祉

損 遠望千里不見黑子離婁之明無益於光

益 斧斤所斫瘡痍不息鍼石不施下卽空室

夬 齊侯少子才畧美好求我長女賤薄不與反得醜陋後乃

大悔

妬失儷後旅天門地戶不知所在安止無咎
萃烏孫氏女深目黑醜嗜欲不同過時無偶
升叔駕純騶南至東萊求索駒馬道悅中止
困二女寶珠誤鄭大夫君父無禮自爲作笑
井陽城太室神明所息仁智之居獨無兵革
革大蛇爲殃使道不通歲露眇少年穀敗傷
鼎三足孤烏靈明爲御司過罰惡自殘其家毀敗爲憂坎之
震車雖駕兩勒絕馬欲步雙輪脫行不至道遇害
艮鬱快不明爲陰所傷眾霧集聚共奪日光
漸鸛鳩鴟鴞治成禦災周公勤勞綏德安家
歸妹名成德就項領不試景公耄老尼父逝去

豐 一夫兩心岐刺不深所爲無功求事不成

旅 羿張烏號設射天狼趙國雄勇敗於滎陽

巽 東家殺牛污臭腥臊神背西顧命絕衰周

兌 火起吾後喜炙我鹿蒼龍嚙水泉巽柱屋雖憂無咎

渙 桃雀竊脂巢於小枝搖動不安爲風所吹寒心慄慄常憂

不殆

節 徙足去域飛入東國有所畏避深藏隱匿

中孚 瓊英朱草仁政得道鳬鷺在渚福祿來下

小過 陳蔡之危從者飢罷明德上通憂不爲凶

既濟 春桃生花季女宜家受福多年男爲封君

未濟 徑邪賊田政惡傷民夫婦呪詛太上覆顛

賁之第二十二

賁 政不暴虐鳳凰來舍四時順節民安其居

乾 八口九頭長舌破家帝辛沉湎商滅其墟

坤 鬼守我門呼伯入山去其室家舍其兆墓

屯 日出阜東山蔽其明章甫薦屨箕子狎狂

蒙 戴盆望天不見星辰顧小失大福逃牆外

需 兩輪並轉南上大阪四馬共轅無有重難與語笑言

訟 羊驚狼虎悚耳羣聚行旅稽難留連愁苦

師 梗生荆山命制輸班袍衣剝脫夏熱冬寒立餓枯槁眾人

莫怜

比 鳥飛無翼兔走折足不常其德自爲羞辱

小畜 條風制氣萬物生出明庶長養花葉茂榮

履 坤厚地德庶物蕃息平康正直以綏大福

泰 昂畢附耳將軍求怒徑路隔塞燕雀驚駭
否 東風啟戶黔豚翻舞各樂其類咸得生處
同人兩足四翼飛入家國寧我伯姊與母相得
大有歲暮花落陽入陰室萬物伏匿藏不可得
謙 釋然遠咎避患害早田獲三狐以貝爲寶
豫 鵲延卻縮不見頭目日以困急不能自復
隨 秋隼冬翔數被嚴霜雞犬夜鳴家擾不寧
蠱 班馬還師以息勞罷役夫嘉喜入戶見妻
臨 老楊日衰條多枯枝爵級不進逐下摧隤
觀 順風吹火牽騎驥尾易爲功力因懼受福
噬嗑六人俱行各遺其囊黃鶴失珠無以爲明
剝 依叔墻隅志下勞苦楚相辰食韓子低頭

復 三牛生狗以戌爲母荆夷上侵姬伯出走坤之震需之訟否之姤
無妄鶴盜我珠逃於東都鵠怒追求郭氏之墟不見踪跡反爲

患災

大畜升輿中退舉事不遂哺麋毀齒失其道理

頤 鴻鵠高飛鳴求其雌雌來在戶雄哺嚙嚙甚獨勞苦魚鱉

膾鯉

大過褰衣涉河水深漬衣幸賴舟子濟脫無他觀之渙剝之賁

坎 虎齧龍指太山之崖天命不佑不見其雌

離 明不處暗智不履危終日卒歲樂以笑歌

咸 三足俱行傾危善僵六指不使恩累弟兄樹柱闕車失其

正當

恆 舍車而徒亡其駁牛雖喪白頭酒以療憂

逐 析薪爇酒使媒求婦和合齊宋姜子悅喜
大壯夜視無明不利賈商子反笑歡與市爲仇

晉 徒行離車不冒泥塗利以休居

明夷作室山根人以爲安一昔崩顛破我壺殮

家人山東山西各自言安雖相登望意未同堂

睽 君子在朝凶言去消驚駭逐狼不見英雄

蹇 輶輶墳墳火燒山根不潤我鄰獨不蒙恩

解 南山之蹊真人所在德配唐虞天命爲子保佑歆享身受

大慶

復之比
否之豫

損 龍蛇所聚大水來處泱泱濡濡潏潏磻磻使我無賴

益 旃裘苦蓋慕德獻服邊鄙不聳以安王國

夬 光體春成陳倉雞鳴陽明失道不能自守消亡爲咎

大有
之井

妬 下泉苞稂十年無王荀伯遇時憂念周京

蠱之歸妹

萃 仁德不暴五精就舍四牧允釐民安其居

升 隨和重寶眾多貪有相如睨柱趙王危殆

困 鳳生五雛長於南郭君子康寧悅樂身榮

井 二人爲侶俱歸北海入門上堂拜謁王母勞賜我酒女功

悅喜

革 逐憂去殃滄泥生梁下田爲王

鼎 東門之壇茹蘆在坂禮義不行與我心反

震 鳬遇稻廬甘樂趨鰭雖驅不去

艮 清人高子久屯外野逍遙不歸思我君母公子奉請王孫

嘉許

漸 讒人所言語不成全虎狼之患不爲我殘

歸妹張羅捕鳩鳥麗其災雌雄俱得爲罔所賊

豐 安仁尙德東隣慕義來安吾國

旅 猾醜如誠前後相違言如驚咳語不可知

巽 懷璧越鄉不可遠行蔡侯兩裘久苦流離

兌 伯氏歸國多所恨戒車傾蓋亡身常驚惶乃得其願雌雄

相從

渙 火石相得乾無潤澤利少囊縮祗益促迫

節 君知聖哲嗚呼其友鎮德之徒可以禮仕

中孚騎豚逐羊不見所望經涉虎廬亡羝失羊

乾之蹇

小過玄黃隳隤行者勞罷役夫憔悴處子畏哀

既濟右手掩目不見長叔失其所得悔吝相仍

未濟免過進賢步出朝門儀體不正賊孽爲患

否之兌

剝之第二十三

剝行觸大忌與司命悟執囚束縛拘制於吏幽人有喜

中孚之震

乾穿胸狗邦僵離旁春天地易紀日月更始

師之謙

坤從風縱火荻芝俱死三害集房十子中傷

屯北山有棗橘柚於聚荷囊載香盈我筐篚

蒙賁貝贖狸不聽我辭繫於虎鬚牽不得來

否之革需之睽震之咸巽之需

需上下惟邪戾其元夫歡心隔塞君子離居

訟二人輦車徙去其家井沸釜鳴不可安居

復之旅

師蹇驢不才俊驥失時罷於沙丘筋力勞盡

履之巽

比明傷之初為穆出交以讒復歸名曰豎牛剝亂叔孫餒於

空丘

小畜天火大起飛鳥驚駭作事不時自為身咎

履 土與山連共保歲寒終無災患萬世長安

泰 日出阜東山蔽其明章甫薦屨箕子佯狂

賁之屯

否 龍馬上山絕無水泉喉焦唇乾口不能言

乾之訟

同人 雄處弱水雌在海濱別將持食悲哀於心

大有 庭燎夜明追嗣日光陽輒不制陰雄坐戾

謙 三婦同夫忽不相思志恆悲愁顏色不怡

豫 鶴盜我珠逃於東都鵠怒追求郭氏之墟不見武跡反爲

患災

豫之明夷

隨 獼猴冠帶盜載非位眾犬共吠磨走蹶足

蠱 黍稷禾稻垂畝方好中旱不雨傷風病燎

臨 雄聖伏名人匿麟遠走鳳飛北亂禍未息

中孚之損

觀 王母多福天祿所伏居之寵光君子有福

噬嗑班馬還師以息勞疲役夫忻喜入戶見妻

觀之既濟
賁之蠱兌

賁蹇裳涉河流深漬衣賴幸舟子濟脫無他

觀之渙賁之
大過坤之萃

復被服文德升入大麓四門雍肅登受大福

無妄東鄰嫁女爲王妃后莊公築館以尊王母歸于京師季姜

悅喜

大畜百足俱行相輔爲強三聖翼事王室寵光

屯之履晉之
坤遯之復

頤危坐至暮請求不得膏澤不降政戾民忒

泰之離需之
頤漸之坎

大過百川朝海流行不止路雖遼遠無不到者

坎乘騶駕驪東至于齊遭遇仁友送我以資厚得利歸

離禮壤樂崩成子傲慢欲求致理力疲心爛陰陽不調成子

驕傲爲簡生殃

咸三人輦車乘入虎豕王母貪叨盜我犁牛